

رواية واني لصريم الورد عشقاً كاملة



pdf لتحميل المزيد من الروايات بصيغة

زوروا موقع ايحي فور تريندس

<https://egy4trends.com>

بسم الله الرحمن الرحيم

(وإني لـ صريم الورد عاشقاً )

الورود أنواع قد تتشابه ولكن لكلٍّ مِنْهُمَ رائحته  
الخاصة و جماله الفريد ، و هُناك زهورًا رغم جمالها  
إلا أن أشواكها حادة تتأهب لـ خدش كُل من يقترب  
منها و يُحاول امتلاكها حتى ولو كان عزيزٌ مُستقراً  
بين حنايا الروح الذي كان هو من تسبب في عذابها

ذات يوم، ل يأتِي الآن و يُحاول بَكل شِراسة استِعادتها  
ولكنه لم يحسب حِساب لِ توابع الماضي التي  
ستقف حائلاً بينه وبين وردته البرية التي لم تُكن  
تعلم أنه حتى لِ صريمها صار عاشقاً 1 .

نورهان العشري □ هـ

دلفت الهام إلى داخل غرفة ابنتها ورد التي قررت  
إِعْتَزال الواقع و الارتماء بين أحضان الخيال الذي  
كان يضمها مع زوجها الراحل عليها تهَرَّب من كل  
تلك الضغوطات التي تُحيط بها من كل حدبًا و  
صوب ولكن ذلك لم يُعجِب والدتها التي قررت أنه  
حان وقت المواجهة لذا تقدمت إلى النافذة لتفتحها  
حتى يدخل ضوء الشمس إلى الغرفة و ربنا يتسلل  
إلى قلب طفلتها التي تُحيط به العتمة من جميع  
الجهات

\_يا ماما اقفلي الشباك دا .النور بيوجعلي عنيا .

هكذا تحدثت ورد بحنق ف اقتربت منها إلهام

مغتازلة من تذرُّها و إصرارها على الهرب

\_لا مش هقفله، وانتِ هتصحي دلوقتي و تقعدي

تتكلمي معايا زي البني آدمين .

ورد بعناد \_ مش عايزة اتكلم يا ماما سبيني عايزة  
انام .

عاندتها إلهام بإصرار و لهجة آمره \_ قولت هتصحي  
و هتقومي تتكلمي معايا .

أنهت جملتها وهي تجذب الغطاء من فوق رأس ورد  
التي هتفت بحنق \_ نعم يا ست ماما . في ايه خير ؟  
الهام بتقريع \_ هتفضلي قافله على نفسك كدا لحد  
امتى ؟ فكرك كده مشاكلك هتتحل ! مش صعبانه  
عليك بنتك اللي مبتبطلش عياط دي !

هتفت ورد بنبرة مُشجبة \_ و أنا مبصعبش عليكوا  
؟

الهام بغضب \_ لو مش صعبانه علينا كنا سبناكي  
تتفلكي . انما احنا خايفين عليك وعايزين مصلحتك

تهكمت بغضب \_ و إيه مصلحتي في اللي بتعملوه  
دا ؟

اقتربت الهام تحاوط كتفها بحنو تجلى في نبرتها حين  
قالت \_ يا بنتي يا حبيبتي انتِ لسه في عز شبابك،

و جوزك ميت بقاله سنة و نص و مسيرك

هتتجوزي .

قاطعتها ورد بغضب نال من كل خلية بجسدها \_ و

مين قالك اني عاوزه أتجوز !

إلهام بتعقل \_ لازم هتتجوزي . مفيش حد بيعيش

عمره كله لوحده وأنا و أبوكي لو عشنالك النهاردة

مش هنعيشلك بكرة .

شعرت بغصة قويه في صدرها من حديث والدتها

فهتفت بلهفة \_ بعد الشر عنكوا . يا ماما أفهميني

أرجوك انا مش هقدر اكون لراجل تاني غير وليد . دا

غير اني عايزة أعيش أربي بنتي وبس .

3w ago

3w ago

حادثتها الهام بحزن \_ يا بنتي حرام عليكِ نفسك .

أنتِ لسه في عز شبابك، و بعدين بنتك دي محتاجة

اب أنتِ لوحدهك مش كفايه، و مفيش حد هيكون

احن عليها من عمها، و انتِ عارفة فاروق بيحبها قد

ايه . خصوصًا إن ربنا مرزقهوش بالخلفه من زينة .

يمكن ربنا يكرمه معاك و تجيبي اخ ولا أخت ل قمر

.

تزايدت دقات قلبها و بدأ شوك الماضي ينغز  
بصدرها الذي يرفض كل ما يشعُر به لذا احدثت  
لهجتها حين قالت \_يا ماما انا ادرى بمصلحتي، و  
أنا عارفه أن عمري ما هرتاح مع فاروق أبدًا .  
الهام باستنكار \_متقوليش عشان فرق السن .  
اتناشر سنة مش كتير يا ورد ، و بعدين لو على  
مصلحتك ف أنا ادرى الناس بيها .جاهدت أن تظل  
على ثباتها فهتفت بغضب \_و مصلحتي انكوا  
تجوزوني غصب عني يا ماما!

لم يَكُنْ هناك مفر من إظهار بعض الحقائق على  
السطح لذا قالت بجمود \_أولاً مش غصب عنك يا  
ورد عشان لو مفكرة اني هبله و مش فاهمه كل  
حاجه تبقي عبيطة .أنا عارفه مشاعرك تجاه فاروق  
من قبل ما زين اخوه ما يتقدملك، و دا السبب اللي  
مخلاكيش قبلتي تعيشي في بيت البلد و خليتي  
زين جه خدلك شقة هنا 1 .

تعالى صيحات الألم داخلها حين عرضت والدتها  
الحقيقة أمام عينيها فتسارعت أنفاسها و جف  
حلقها حين قالت بتوتر \_ ايه يا ماما اللي بتقوليه دا  
؟ لا طبعًا مفيش الكلام دا خالص .

رفعت إلهام يدها لتربت بحنو على خصلات شعرها  
وهي تقول بهدوء \_ قلب الأم مبيكذبش أبدًا يا ورد،  
و ربنا يابنتي بيعوض، و مش معني كلامي دا انك  
كنتِ خاينه لجوزك أبدًا انا عارفه انك من وقت ما  
بقيتي علي اسمه مفكرتيش في حد ثاني غيره .بس  
افتكري كلامي ربنا له حكمه من كل حاجه بتحصلنا.  
أخفضت رأسها حزنًا تساقط من بين مآقيها حين  
تذكرت الماضي و ما يحمله من أوجاع و خاصة ذلك  
اليوم الذي أتى به ليطلب يدها لشقيقه و ما كابده  
من العناء حتى تكُن زوجة وفية لزوجها الراحل  
\_ خايفه يا ماما ابقى كدا بخون زين انا والله عمري  
ما فكرت في راجل ثاني وانا على ذمته .ربنا عالم .  
أناملها الحانية امتدت تمحو حزن صغيرتها قبل أن  
تقول بحنو \_ عارفه يا نور عين ماما، و محدش فينا  
كان يتمني اللي حصل دا يحصل بس دي إرادة ربنا،

و أنتِ لسه شابة جميلة و صغيرة، و ربنا أراد يدريك  
فرصة تعيشي حياتك اللي ملحقتيش تعيشيها مع  
زين .

همست بنبرة جريحة \_بس فاروق بيحب زينه يا  
ماما !

شعرت بما تحمله لهجتها من ألم فأجابتها بهدوء \_  
بس نفسه يشوفله تحت عيل وهو الصراحة  
مقصرش معاها دول بقالهم اكر من عشر سبع  
متجوزين .هيصبر ايه اكر من كدا !  
لم تحتمل فكرة أنه يعتبرها مُجرد وعاء إنجاب فقط  
بينما قلبه و جميع مشاعره مع أخرى فقالت بألم \_  
بس يا ماما ..

قاطعتها إلهام بنبرة حازمة \_مابسش يا ورد .الحياة  
مبتديش الفرصة مرتين، و دي دنيا مش جنة يا  
بنتي زي ما هنشوف اللي يوجعنا هنشوف بردو  
اللي يفرحنا، و الإنسان الذكي هو اللي يضحك  
عالدنيا و يسرق منها كل حاجه تفرحه و تبسطه بدل  
مبيغضبش ربنا.

3w ago

3w ago

استكانت قليلاً بحديث والدتها ولكن القلب لا يزال  
جريحاً فأخفست رأسها بحزن فتابعت إلهام  
باستفهام \_ في إيه تاني ؟ وشك لسه مكرمش ليه ؟  
خرجت نبرتها مُشجبة تحمل وزر الذنب \_ طب انا و  
زينة يا ماما !هنتعامل ازاى بعد كده؟ أنا طول  
عمري بحبها و مش قادرة اكون سبب وجع ليها .  
لم تفلح إلهام في ردع الحزن في نبرتها حين قالت  
\_والله يا بنتي و مين سمعك كلنا بنحبها بس احنا  
ملناش نعترض على قضاء ربنا و هي ربنا مآردش  
ليها أن حملها يكمل و كل مرة تحمل فيها تسقط  
من غير سبب، و من حبها ل فاروق هي بنفسها اللي  
بقت تدور له على عروسه .فاروق كبير العيلة بعد  
عمك و نفسه يشوفله حنة عيل .  
تعاضم الألم بصدرها جراء كلمات والدتها لتتقاذفها  
الحيرة من جديد فهتفت بنبرة مُتعبة \_مش عارفه  
يا ماما محتارة، و خايفه، و متلخبطة .



لم تُعدْ تملك من الكلمات ما يُمكن أن يردع حيرتها  
و شتاتها لذا قالت بحنو \_ أقولك قومي اتوضي و  
صلي و ركعتين لله و قولي يارب و أن شاء الله ربنا  
يقدم اللي فيه الخير.

كان ولا يزال الطريق الى الله هو أكثر الطرق أمانًا  
للمرء حين يُلقى بذلك الثقل الذي يحمله فوق  
صدره و جميع آلامه ومخاوفه ليدفنه بين ركوع  
وسجود وهذا ما فعلته مُردده دعائها المُفضل \_  
اللهم اني وكتلك أمري ف كُن لي خير وكيل و دبر لي ف  
إني لا أحسن التدبير .

مرت الأيام أكثر هدوءً وهي على هذا النهج إلى أن  
أتى ذلك اليوم الذي تغير به كل شيء . كانت تُعد  
طعام الغداء مع والدتها ليُدق جرس الباب فطلبت  
منها إلهام أن ترى من الطارق لتتوجه ورد تفتح باب  
المنزل فإذا بها تتسمر بمكانها و يتخشب جسدها  
حين رآته أمامها ذلك الرجل الرمادي العينين الذي  
كان يتمتع بوسامة خشنة تليق مع جسده الصلب  
فهو عريض المنكبين طويل إلى درجة متوسطة و

أكثر ما يُميزه و يُعزز من هيئته ذلك الشارب الذي  
كان يُضفي على ملامحه وسامة من نوعًا آخر  
مر وقتًا غير معلوم طالت به النظرات فقد حُرِم من  
تلك العينين لأكثر من عامين و نصف مُنذ ذلك  
اليوم الذي أخبره شقيقه برغبته في الزواج من ابنة  
عمهم الجميلة ، والصغيرة أيضًا .تلك الكلمة التي  
كانت ك الفيروس القاتل الذي قضى على براعم  
عِشقه لها بداخل قلبه فقد كان يراها اصغر من أن  
تُكن زوجته بيوم من الأيام فهو لن يفعل ذلك بها  
أبدًا، ولهذا أجبر نفسه دافئًا مشاعره العميقة تجاهها  
و تزوج من ابنة عمهم الأخرى زينة ليبدأ حياة هادئة  
معه ولكنها تفتقد إلى الكثير من المشاعر و  
الشغف فقط رتابة و هدوء ولكنه يَكِن لها محبة و  
إحترام كبيران فهي لم تُخطيء معه يومًا، ولكن  
القدر دائمًا يُفاجئنا بتقلباته فقد رحل شقيقه تاركًا  
خلفه أرملة فاتنة وطفلة رائعة و ما هرب منه سابقًا  
و أجبر نفسه على التملُّص منه ها هو أصبح واجبًا  
عليه و لكم كان رائعًا ذلك الشعور حين وجد نفسه  
وجهًا لوجه مع قطعتين من الشوكولاته الذائبة بين

جفونها تلك المرأة صاحبة الشعر الغجري الذي كان  
يعشق بعثرة خصلاتها وهي طفلة صغيرة حتى تثور  
و تُبعثر كيانه بعفويتها و جمالها الذي تضاعف مع  
الوقت

3w ago

3w ago

\_الجميل هيفضل متنح كذا كثير!  
ما أن نطق جملته المرححة حتى تصاعدت الدماء إلى  
وجنتيها فقد فطنت إلى ما ترتديه .ذلك الرداء البيتي  
المُدريح الذي يصل إلى ما بعد ركبتها بنصف أكمام  
أظهرت ذراعيها بسخاء ، وفجأة تولدت بداخلها رغبة  
قوية في الهرب من أمام عينيه العابثة و قد كان هذا  
ما فعلته تراجعت دون التفوه بأي حرف لتلجأ إلى  
غرفتها تحت أنظاره التي غزتها الدهشة .

\_الحقي يا ماما فاروق بره .

كانت تلك الجملة التي القتها على مسامع والدتها  
قبل أن تولي هاربة لتقول الهام باندهاش  
\_ايه دا هو لحق يوصل !

توجهت الهام للترحيب به فتفاجئت بأنه مازال واقفًا  
عند بابا الشقة فهتفت بصدمة \_يا خبر يا فاروق  
انت لسه واقف على الباب ؟ اتفضل جوا يا أبني .  
هي ورد مش قالتلك اتفضل ؟

\_تقريبًا نسيت .او اتفاجئت .هكذا تحدث فاروق  
بهدهوء قبل أن يدلف إلى الداخل و هو يبتسم لما  
حدث لتشعر الهام بالحرص من تصرف ورد وتحاول  
تصحيح الموقف قائلة \_معلش يا فاروق يا ابني  
هتلاقيها اتكسفت أو...

قاطعها فاروق بهدهوء يزيل من عليها الحرج \_مش  
محتاجة تبرري لورد حاجه يا مرات عمي .ورد  
هتفضل هي ورد طول عمرها مش هتتغير أبدًا .  
تفاجئت من كلماته ولكنها لم تُعلق عليها بل قادته  
إلى غرفة الاستقبال لتجده يضع الأكياس و الهدايا  
فوق الطاولة . كل دي حاجات جايها يا ابني ؟ تعبت  
نفسك ليه بس ؟

فاروق بخشونة \_ولا تعب ولا حاجه .دي حاجة  
بسيطة.

ابتسمت الهام قبل أن تقول بود

\_والله ليك وحشة يا فاروق .و الحاجة خديجة  
عاملة ايه هي و الحاج راضي ؟ \_بخير الحمد لله و  
باعتين لك سلامات كتير اوي.  
هكذا تحدث فاروق لتُجيبه بلباقة \_الله يسلم  
عمرهم يارب .نورتنا والله .  
\_دا نورك .

قاطع حديثهم دخول تلك الفتاة الصغيرة التي تبلُغ  
من العُمر ثلاث سنوات ذو شعر غجري رائع  
كوالدتها .اندفعت تعانقه بقوة وهي تقول بلهفة \_  
عمو فاروق 1 .

شدد فاروق من احتضان الصغيرة التي كانت تتعلق  
بعنقه بقوة ليقول بحنو \_أمورة عمو .وحشتيني  
اوي.

قمر بلهفة \_انت كمان وحشتني اوي.  
أخذ فاروق يُداعِب الصغيرة التي جذبت ضحكاتها  
ورد لتقف من بعيد تُراقِب طريقة معاملته  
لصغيرتها و تناغمها معه لتبدأ في اتخاذ قرارها بشأن  
زواجها منه و إن كانت علاقته بقمر سبب يُضاف إلى  
آخر وهو أن قلبها لازال يدُق لهذا الرجل و بقوة

تقابلت أعينهم في نظرة مُطولة غامضة من جهته  
مدهوشة من جهتها .سابقًا لم تكن تحظى ولو  
بلمحة عابرة منه والآن تبدو عينيهِ و كأنها تأسرُها  
بقيد نظراته التي لا تحيد عنها منذ أن دلف إلى  
المنزل مما أشعرها بالتوتر الذي تضاعف حين  
خاطبتها والدتها قائلة بنبرة مازحه ولكنها تحمل  
الكثير بين طياتها

3w ago

3w ago

\_تعالى يا ورد .بنتك من ساعة ما شافت عمها  
وهي متعلقه في رقبته ازاى !  
ظاهريًا تجاهلت كلمات والدتها ولكن لم يستطع  
قلبها تخطيها لتتفاجيء من كلمات قمر العفوية \_  
قمر حب عمو فاروق اوى .  
عانقها فاروق بحُب تجلّى في نبرته حين قال  
\_و عمو فاروق بيموت في أموره .  
رمقت الهام ورد بنظرة ذات مغزى قبل أن تقول  
بابتسامة هادئة \_ربنا يخليكوا لبعض يارب .

ثم وجهت حديثها إلى قمر قائلة \_ يالا بقي يا أمورة  
تيجي مع تيتا نعمل الاكل عشان عمو فاروق  
يتغدى معانا .

شعرت قمر بالحماس و هرولت إلى إلهام لتُساعد  
تاركة ورد وحدها معه فشعرت بالخozات الموتره  
تتفشى في سائر جسدها مما أدى إلى تسارع  
أنفاسها فأخذ صدرها يعلو و يهبط ليحاول التخفيف  
من توترها قائلاً \_ عامله ايه يا ورد ؟  
كانت عينيها تجوب جميع الاتجاهات هرباً من عينيها  
وهي تُجيبه بخفوت \_ الحمد لله بخير . انت عامل  
ايه ؟

فاروق باستمتاع من مظهرها و توترها \_ تقصديني  
انا و الكرسي اللي انتي باصه عليه ؟ لو كنتِ  
تقصديني انا بصيلي و انتِ بتكلميني .  
كلامه عزز من خجلها و توترها أكثر ولكنها لم تجد بُد  
من مواجهته لترفع عينيها إلى خاصته فإذا بها تلمح  
شبح ابتسامة فوق شفثيه قبل أن يقول بخشونة  
\_ أيوا كدا نعرف نتكلم، و بالمرة عشان تاخدي عليا  
بدل ما كل ما تشوفيني تطلعي تجري .

اغتاظت من جملته الأخيرة خاصةً حين رأت المرح  
في عينيه فظنت بأنه يسخر منها لذا اندفعت تقول  
بلهفة

\_أنا اتفاجئت بس و مكنتش اعرف ان انت بره .  
فاروق باستمتاع \_و ياتري مفاجأة حلوة و لا  
وحشة ؟

لم تعرف بماذا تُجيبه خاصةً وهي تغرق هكذا في  
بحور الخجل لذا تجاهلت كل شيء حتى استفهامه  
لتقابله باستفهام آخر \_ينفع اسألك سؤال ؟  
فاروق باختصار \_ينفع .

خرجت الكلمات منها دفعة واحدة خشية أن تنصاع  
لرغبتها في التراجع و الاختفاء من أمام ناظره  
\_أنت عايز تتجوزني ليه ؟

ل دهشتها لم يتفاجأ من استفهامها بل ارتسمت  
ابتسامة هادئة فوق شفثيه قبل أن يقول \_انتِ  
شايفه ايه ؟

أرادت الوصول لنقطة معينة لذا قالت بمراوغة \_  
عشان بنت عمك، و ام قمر،و كنت مرات...



انمحت البسمة من فوق شفتيه قبل أن يُقاطعها  
بنبرة أكثر جدية \_ عشانك يا ورد . مش هلاقي احسن  
منك تنور بيتي و تشيل اسمي.

تفاجئت من حديثه و رغمًا عنها خرجت الكلمات من  
بين شفتيها \_ طب و زينة؟

فاروق بهدوء و نبرة صادقة \_ زينة عشرة عمري  
مشوفتش منها غير كل خير و مش هقدر ارد لها  
الخير بالشر أبدًا، و عشان كدا لازم تبقي عارفه انها  
هتفضل على ذمتي و عمري ما هفرط فيها إلا إذا  
هي طلبت دا .

3w ago

3w ago

منتهى الغباء حين يُلقي الإنسان نفسه في حقل من  
الألغام ظنًا منه أنها لن تنفجر به، وأنه لن يتأذى .  
جاهدت حتى لا يتجلى ألمها في عينيها و قالت  
بجفاء و نبرة مُترفعة \_ و أنا عمري ما هطلب منك  
دا . أنا لو هوافق على جوازنا يبقى عشان قمر يكون  
لها أب، وأنا عارفه انت بتحبها قد ايه و هي كمان

بتحبك و دا المهم بالنسبالي، و حياتك دي تخصك  
اتصرف فيها زي ما انت عايز .  
تصاعدت ابخرة الغضب إلى رأسه من كلماتها ولكنه  
لم يُظهر شيء إنما قال بجمود \_ كدا يبقى احنا  
متفقين .هحدد مع عمي ميعاد كتب الكتاب  
عالخميس الجاي .جهزي نفسك .  
داهمتها كلماته فهتفت باعتراض  
\_الخميس الجاي دا قُريب اوي مش هلحق اجهز  
نفسي .

فاروق بخشونة \_مش محتاجه وقت عشان  
تجهزي .أنا عندي استعداد اخذك دلوقتي زي ما  
انتِ كدا.

أضربت كلماته نيراناً هوجاء في صدرها ولم تُعد  
تعلم بماذا تُجيبه لئِنقذها مجيء والدها في تلك  
اللحظة فما أن شاهد فاروق حتى عانقه مُرحباً به لـ  
تستغل هي الفرصة و تلوذ بالفرار إلى غرفتها و ما  
هي إلا دقائق حتى تجمدت الدماء بعروقها وهي  
تستمع إلى صوت الزغاريد التي أطلقتها إلهام  
فعرفت بأنها مضت في طريق لا رجعة منه .

مر اليوم و ما تلاه دون أحداث تُذكر ليأتي اليوم  
الموعد وهو يوم السفر استعد الجميع لمجيء  
فاروق الذي وصل في موعده ليستقبله والدها بحبور  
و كذلك والدتها و بعد تبادل السلامات جاء دورها  
فشعرت بالخجل يتزايد و معه توترها لتشتد يدها  
المُمسكة بيد طفلتها التي اقترب منها فاروق قائلاً  
بصوتٍ أجش \_وحشتيني أوي.

لا تعلم ماذا دهاها ؟ فقد شعرت بأن تلك الكلمات  
موجهة إليها لترفع رأسها تناظره بصدمة تحولت  
لخجل كبير حين رآته يناظرها و على ثغره شبح  
ابتسامة فقامت بإدارة وجهها للجهة الأخرى بلهفة  
جعلت ابتسامته تتسع وهو يناظرها ليأتيه صوت  
الصغيرة وهي تقول \_وحشتني اوي يا عمو .  
التمعت عينيه التي مازالت تطالعها بشوقٍ تجلى  
في نبرته حين قال \_هانت يا حبيبة عمو كلها كام  
يوم و تفضلي معايا و في حضني على طول .  
ما أن استمعت إلى كلماته حتى برقت عينيهما و  
تفشى الخجل أكثر في أوردتها، و كعادتها لجأت إلى  
الهرب فتركت يد قمر لتتوجه إلى حيث والدها و

والدتها ليقوم فاروق بنقل حقائبهم إلى السيارة لتبدأ  
رحلتهم التي استغرقت ثلاث ساعات ليصلوا إلى  
بلدتهم و ما أن توقفت السيارة أمام منزل العائلة  
حتى شعرت بخوفٍ مجهول سببه و خاصةً حين  
التقمت عينيها زينة التي تقف إلى جوار عمها و  
زوجته و بجانبهم شقيقتها مُنى!  
ترجلوا من السيارة ل يستقبلهم الجميع بحفاوة و  
كذلك زينة التي عانقت ورد بحنو كعادتها ولكن تلك  
المرة لامست الحزن ب نبرتها حين قالت \_ حمد لله  
عالسلامة يا ورد .

3w ago

3w ago

شعرت ورد بذلك الحزن القاطن في نبرتها و عينيها  
لتقترب منها و تعانقها بقوة لا تعلم هل تواسيها أو  
تعتذر منها ولكنها اصطدمت بعينين حادتين تبعثان  
على الخوف و كانَ ل مُنى شقيقة زينه التي لطالما  
كانت ورد تخشاها ولا تُحب التحدُّث معها أيضًا .

دلف الجميع إلى الداخل و استقروا بغرفة الجلوس

ليتحدث راضي بحبور

\_نورتوا الصعيد كلاته يا خوي .

اجابه ماهر والد ورد \_منور بأهله يا راضي .

شاركت خديجة زوجها فرحته حين قالت \_

اتوحشناكوا جوي جوي يا إلهام و اتوحشنا أمورنا

الصغيرة و أمها .

ابتسمت ورد من كلمات زوجة عمها الحنون و قالت

بلهجة ودودة \_ و انتوا كمان وحشتوني يا مرات

عمي .

اخذوا يتبادلون أطراف الحديث ثم توجهوا لتناول

وجبة الغداء وسط جو من الألفة والمرح ل يحين

وقت الغروب فتوجهت ورد إلى الأسفل فإذا بها

تقابل وجهًا لوجه مع مُنى التي كانت ترمُقها

بنظرات ساخطة يتخللها كُره عظيم لم تحاول إخفائه

فتجاهلتها ورد التي شعرت بالنفور و الخوف منها

ولكنها لم تُظهر ذلك و أكملت طريقها لتعترضه

مُنى بكُل تبجُّح و تقف أمامها فابتلعت ورد ريقها

خوفًا و غيرت مسارها الى جهة اليسار لتقف أمامها

مُنَى مرة أخرى فكان الأمر مقصوداً لا يُمكن تجاوزه  
فرفعت ورد رأسها تناظرها بقوة تُنافي خوفها  
الداخلي لتقول بنبرة حادة \_ خير .ممكن اعرف في  
ايه ؟

مُنَى بسخرية \_ ايه يا عروسه .مهترميش السلام  
على أهل الدار و لا ايه ؟  
ورد بتهكُّم \_ أهل الدار انا سلمت عليهم واحد واحد  
قبل ما اطلع، لكن انتِ مش أهل الدار يا مُنَى !  
مُنَى بقسوة يتخللها بعض السُخرية \_أكده يا ورد !  
دانتِ كبرتِي و بجيتي تيعرفي تتكلمي .  
ورد بجفاء \_ انا طول عمري بعرف اتكلم يا مُنَى، و  
لو فاكدة اني مش عارفه انك كنتِ بتحبي فاروق و  
عايزة تتجوزيه تبقي غلطانه .انا عارفه كل حاجه زين  
الله يرحمه حكالي، و أنا مش هتردد ثانيه احكي كل  
اللي حصل دا لو مبعديش عني، و متفكريش انك  
هتخوفيني بنظراتك دي !عشان انا مابخفش1 .  
أنهت ورد حديثها و تجاوزتها تنوي المُغادرة  
لتنفاجيء بِمُنَى التي قبضت على رسغها بقوة  
آلمتها لتقول بقسوة تناثرت من بين كلماتها

\_تيعرفي أن كلامك دا ريحني جوي يا ورد !عشان  
أكده اللعب هيبجي عالمكشوف، و خليك فاكهه ان  
اللي يلعب مع مُنى يبجي بيلعب بالنار، و أئي ناري  
بتخرج و مبتسميش .

شعرت ورد بالخوف من كلماتها ولكنها أبقت على  
ثباتها بأعجوبة لتقوم بنزع يدها بقوة من بين  
أصابعها القاسية لتتوجه إلى الأسفل مُغيرة وجهتها  
إلى الخارج قاصدة تلك البقعة من أرضهم التي كان  
مشهدها الآن خلابة خاصةً في وقت الغروب التي  
لطالما كانت تعشقه لتأخذها خيالاتها لسنوات  
مضت ولكنها تفاجئت حين استمعت لنبرة عميقة  
آتية من خلفها \_لسه بتحبي منظر الغروب يا ورد  
؟

3w ago

3w ago

شعرت بفوران في معدتها و ضجيج قوي أحدثتها  
دقاتها الهادرة فلم تلتفت إليه ليتقدم هو ويقف

بمُحاذاتها لـ تقول بخفوت \_ أنت عرفت منين اني  
بحبه ؟

لاحت ابتسامه خافته على ملامحه قبل أن يقول  
بغموض \_ أنا عارف حاجات كثير متتخيليش أن انا  
عارفها .

كسى الخجل ملامحها و اندفعت الدماء إلى وجنتيها  
لينبت محصول التفاح الشهي فوق ساحتهم  
فجاءت نبرتها خافته حين قالت \_ تقصد ايه ؟  
آثر تغيير الحديث قائلاً بخشونة \_ مش عايزك  
تخافي من اي حد و لا من اي حاجه أبدًا يا ورد .  
رفعت رأسها إلى ذلك المشهد الخلاب أمامها والذي  
لم يفلح في ردع خوفها الذي انساب بين كلماتها  
حين قالت \_ هي مُنى دي قاعدة هنا بتعمل ايه ؟  
فاروق بجفاء \_ مُنى بنت عمك ، فطبيعي تيجي و  
تروح علينا، و عمومًا هي بتيجي كل فترة تقعد مع  
زينة وخصوصًا أن زينة صحتها بقت تعبانة الفترة  
الأخيرة من بعد آخر سقوط ليها عشان كذا مُنى  
قاعدة معاها بتخلي بالها منها.



اومأت ورد برأسها و لم تُريد للتطرق إلى أبعد من  
ذلك بحديثها معه لتتفاجيء به حين قال بلهجته  
الصعيدية المُميزة \_ كل حاجة هنا كانت  
متوحشاكى يا ورد .

تناحرت دقات قلبها و اهتمجت أنفاسها داخل  
صدرها حين استمعت إلى كلماته التي تحوي الكثير  
من المشاعر التي لم تبخل عينيه بالتعبير عنها  
لتلجأ إلى الهرب الذي كان أكثر الطُرق الآمنه فقالت  
بتلعثم \_ أنا أنا .هروح .عشان .قمر .زمانها  
مستنياني .

تراجعت ورد إلى المنزل وهي تصعد الدرج استرعى  
انتباهها ذلك الصوت القادم من الحديقة الخلفية  
فخرش الفضول داخلها لتتوجه إلى مصدر الصوت  
فإذا بها تتجمد بمكانها حين استمعت لصوت مُنى  
التي كانت تُعنف زينة قائلة \_ أنتِ إزاي تسمحى  
لهم يچوزوه مجصوفه الرجبة دي .إيه معنديكيش  
كرامة واصل ؟

تفاجئت زينة من حديثها وقالت باستنكار \_ وه .  
انتِ كيف بتزعجيلي أكده ؟ و بعدين كنتِ عيزاني

اجف جدام عمك و مرته و اجولهم لا عشان يخلوه

يطلجنى الصبح !

مُنى بغضب \_ يطلجك ليه ؟ هو انتِ عملتي ايه ؟

ناجصك ايد وولا رجل اياك !

زينة بحزن \_ ناجصني يا خيتي . بطني مابتشيلش

عيال . كلهم بيموتوا جبل حتى ما احس بيهم يدوب

يدب فيهم النبض بعدها ينزلوا على طول . عرفتني

ليه مجرداش اتكلم !

مُنى بشماتة حاولت اخفائها قدر الإمكان \_ و هي

دي حاجة بيدك . محدش بيختار يبجي معيوب يا

بت ابوي .

استقرت الكلمة في مُنتصف قلبها لتقول بنبرة

محشوة بالألم \_ اديكي جولتيها معيوبة ، و بعدين

فاروق بيحبني و عمره ما هيضحي بيا انا متوكدة

من أكده .

شعرت مُنى بالحنق من حديثها فهتفت بغضب

\_ الكلام ده جبل ما يتجوز السنيورة اللي هتخليه

يرميكي كيف الكلاب .

جفلت زينة من حديثها و قالت بلهفة \_ أنتِ  
بتجولي ايه يا مُنى ؟ فاروق عمره ما يعمل أكده  
واصل .

مُنى بتهكم \_ لا يعمل أكده و اكثر من أكده كمان .  
فاروق دا واعر چوي و يجدر يعمل كل حاجة، و  
كمان مجصوفة الرجبة دي مش هتتحمل يكونلها  
ضرة .

زينة بنبرة هادئة حزينة \_ ورد طيبه و غلبانه و مش  
هتجبل فاروق يظلمني و كمان كانت بتحب چوزها  
الله يرحمه و مغصوبة ع اللي بيحصل دا .  
هتفت مُنى بغل \_ بزيداكي عبط و تخلف .البت  
عامله فيها عروسه و چوزك كيف لهبل عينه  
معتفارجهاش، و بكرة اول ما تتمكن هتخليه  
يرميكي في الشارع لو موعتيش لنفسك .  
زينة بجزع \_ طب الحل ايه يا خيتي ؟  
وصلت إلى مُبتغاها فقالت بخُبت \_تسمعي كلامي  
زين و تنفذه بالحرف الواحد خلونا نخلوص من  
النايبه اللي حطت علينا دي .

زينة بريبة \_كلامك ده ممريحنيش يا مُنى .

تجصدي ايه ؟

تسلحت الأفعى بسلاح الحنان حين قالت \_كلامي

دا هو اللي هيرحك يا زينة لو سمعتيه .البت دي

لازمن تنجرص جرسة كبيرة عشان تمشي و

متعاودش تاني

\_يعني نعمل ايه ؟

مُنى بشر \_ندور على أغلى حاجة عنديها و ناخذها

منها أو نضرها فيها .

شهقت زينة بصدمة \_تجصدي مين ؟ جمر !

يتبع....

3w ago

3w ago

3w ago

3w ago

\_نخلصو من بتها عشان نضمنو أنها تختفي من

حياتنا للأبد .شهقة قويه خرجت من فم ورد التي ما

أن سمعت تلك الكلمات حتى هوى قلبها دُعرًا  
فأخذت تتراجع إلى الخلف خوفًا من أن يراها أحد  
لتهرول إلى غرفتها وهي تبكي بجزع وحين دلفت إلى  
الداخل وجدت ابنتها التي كانت تلعب فوق مخدعها  
وبجانها والدتها التي كانت تقرأ ما تيسر من آيات  
الذكر الحكيم، ولكنها قامت بأغلاق المصحف حين  
وقعت عينيها على ورد التي هرولت إلى طفلتها  
تحتضنها بلهفه و عبرات اغرقتهم معًا  
هرولت إلهام الى ورد قائلة بلهفه \_ ايه يا ورد مالك  
في إيه ؟

لم تستطيع اجابه والدتها فلم تَكُن استطاعت تخطي  
ما حدث بالأسفل بعد لتتابع إلهام بتوسل \_ يا بنتي  
قوليلي مالك ؟ فيك ايه ؟ وقعتي قلبي .  
ورد من بين عبراتها \_ احنا لازم نمشي من المكان دا  
يا ماما .مش هنستني فيه دقيقة واحدة .  
إلهام بصدمه \_ إيه اللي حصل خلاكي تقولي كدا ؟  
يا بنتي فهميني9 .

إحتارت ورد هل تحكي لوالدتها ما حدث ام لا ولكن  
في النهاية لم تستطيع الصمت واخبرتها ما حدث

بالأسفل و ما سمعته فانتقل خوفها إلى الهام التي  
تجاهلت ما تشعُر به وقالت بتحذير \_ اياكي تقولي  
الكلام دا لحد . انتِ معندكيش دليل عاللي  
سمعتيه، و لو حكينا اللي حصل هيفكروكي  
بتعملي كدا عشان فاروق يطلق زينة!  
ورد بـدُعر \_ يعني إيه يا ماما ؟ استناهم لما يأذوني  
في بنتي !

إلهام في محاولة للتخفيف من خوف ابنتها \_  
متخافيش قمر هتفضل طول الوقت يا معايا يا  
معاك، و محدش منهم هيقدر يقربلها، و سبيني انا  
الموضوع وانا هتصرف .

لم تَكُنْ مقتنعه ولكن بالنهاية رضخت لحديث  
والدتها ولكنها لم تُريد الاجتماع بهم لهذا رفضت  
النزول إلى العشاء ولكن إلهام أصرت عليها كثيرًا  
فانصاعت لها وهي في طريقها إلى الأسفل تقابلت  
مع زينة التي ابتسمت بحبور و اخفضت رأسها  
لتُقبل قمر وهي تقول بمرح \_ . أمورتنا الجميلة  
عامله ايه دلوق؟

لم تكد تقترب من الصغيرة حتى تفاجئت بورد التي  
جذبت قمر من يدها تُخفيها خلف ظهرها وهي  
تقول بحدة \_ ابعدي عن بنتي و اوعي تقربي منها .  
صُدمت زينة من حديث ورد فقالت بنبرة مُشجبة  
\_ ليه يا ورد بتعملي أكده دي چمر زي بتي!  
ورد بانفعال \_ لا قمر مش بنتك انتِ عمرك ما  
كنتي أم . ابعدي عن بنتي، و اياكي تقربي منها انتِ  
فاهمه ولا لا ؟

تتأثر الدمع فوق وجنتيها وهي تقول بأسى \_ صوح  
ربنا مآردش يكملني حمل بس كان جلبي بيحس  
بيهم اول ما يبجوا چوايا . الأمومة دي غريزة چوا أي  
ست بس الخلف دا بتاع ربنا يا ورد حجك عليا  
مهجر بش من بنتك واصل بعد أكده .

غادرت زينة لينفطر قلب ورد على مظهرها و تنقلت  
نظراتها المُتألّمة بين ابنتها و بين زينة لتشعُر  
بالتشتّت فهي خائفة بل مرعوبة مما سمعته و  
غاضبة من قسوتها مع زينة ولا تعرف ماذا تفعل  
لتجد نفسها تستدير إلى الخلف عائدة إلى غرفتها  
لتُقرر عدم النزول إلى الأسفل

2mo ago

2mo ago

مرت الأيام و ورد لازالت خائفة بل خوفها يزداد من  
تلك الكلمات التي لم تُفارق عقلها إلى أن أتى اليوم  
المنشود فخرجت من دورة المياة لترتدي ثيابها فقد  
أصر فاروق ان ترتدي الأبيض فاختارت ثوب بسيط  
من اللون الكريمي و زينت وجهها بزينة بسيطة  
فكانت جميلة للغاية ولكن بأعين زائغة حزينة قلقة  
من أي غدر قد يأتيها بشكل مُباغت، فأخذت  
تستغفر ربها حتى يهدئ روعها قليلاً إلى أن أتت  
إلهام التي ما أن دلفت الى داخل الغرفة حتى هتفت  
بحبور \_بسم الله ما شاء الله ايه الجمال دا يا ورد ؟  
ورد بخجل \_بجد يا ماما حلوة ؟  
إلهام بحنو \_ حلوة بس !دانتى زي القمر يا قلب  
ماما .ربنا يحميكى و يحفظك .  
ورد بابتسامة هادئة . ربنا يخليك يا ماما .امال فين  
قمر ؟



\_قمر تحت مع باباكي .شعرت ورد بالفزع الذي  
جعلها تهب من مكانها قائلة بفزع \_ و ازاي يا ماما  
تسببها لوحدها و تطلعي ؟ دول ممكن يأذوها .  
إلهام في محاولة لتهديتها \_يا بنتي ما باباكي معاها .  
ورد بغضب \_بابا مبعرفش حاجه و ممكن يسبها  
لوحدها أو عينه تغفل عنها \_ .قولتلك متقلقيش  
يا ورد انا مأكدة عليه ميسبهاش لوحدها أبدًا .يالا  
تكملي لبسك عشان ميعاد كتب كتابك مفضلش  
عليه غير يدوب ساعه و المفروض انك هتتصوري  
الأول فاروق جابلك البنت بتاعت الصور دي عشان  
تعملكوا ألبوم و كل دا عشان يفرحك .

ما أن أنهت إلهام حديثها حتى تفاجئوا بأصوات  
عويل و جلبة آتية من الأسفل فهوى قلب ورد دُعرًا  
و كذلك إلهام فهرولت الاثنتين إلى الأسفل لمعرفة  
ماذا حدث ؟ و في طريقهم إلى الأسفل سمعوا  
صيحات الخدم بأن الصغيرة سوف تقع من فوق  
الفرس

شعرت ورد بتجمد الدماء في أوردها و تناحرت دقات  
قلبها فزعًا تجلى في صرختها المُدوية \_بنتي.

هرول الجميع و من بينهم هي إلى حظيرة الخيول  
ليجدوا قمر تمتطي أحد الفرس الذي انطلق بها  
بسرعة كبير إلى الأراضي المُحيطة بهم و كان سرجه  
مجدوذ و مُلتف حول قدم الصغيرة التي كانت  
تصرُخ بفزع و خلفها زينة التي كانت تمتطي فرسها  
هي الأخرى و تهرول بأقصى سُرعتها خلف الصغيرة  
و خلفها فاروق الذي لحق بهم يحاول إنقاذهم و  
بلحظة انفلت السرج الذي يُحيط ب قدم الصغيرة  
التي كادت أن تُدهس بين أقدام الخيل لتلتقطها يد  
زينة التي رفعتها لتضعها فوق الفرس أمامها إلى أن  
وصل فاروق إليهم و أخذ منها قمر ليعودَ سويًا إلى  
المُتجمهرين و من بينهم ورد التي هرولت تلتقط  
طفلتها من بين يدي فاروق بلهفة و قلب مُلتاع و  
عبرات حارقة فتعالت عبارات الحمد من أفواه  
الجميع الذين تنبهوا إلى يد زينة المجروحة بفعل  
حديدة كانت في السرج فأخذت الدماء تندفع من  
كفها بقوة فشعرت ورد بالذهول يعقبه الندم حين  
شاهدت ألم زينة التي أنقذت طفلتها و هي من  
ظلمتها في السابق.

2mo ago

2mo ago

أخذ فاروق قمر إلى أحضانه بينما انصبت نظرات ورد  
المُعْتَذِرَة على زينة التي تقاذفت دقات قلبها بعُنف  
و تراجعت إلى الخلف قاصدة غرفتها فبالرغم من  
كل شيء لم تستطيع رؤية الصغير في خطر و ألا  
تُساعدها.

تربعت على مخدعها تحاول تنظيم دقات قلبها و  
تهدئة روحها المُلتاعة ويدها لازالت تنزف ولكن ليس  
مثل نذيف قلبها الذي يؤلمها بقوة لتتفاجئ بمنى  
التي اقتحمت غرفتها بقوة مُغلقة الباب خلفها  
بعُنف و عينيها شابهت عيني الشيطان من فرط  
هذا الحقد الذي يتساقط منهم و الذي تبلور في  
لهجتها حين قالت \_ أنتِ اتجننتي !!يه اللي هببتيه  
دا ؟

هببت زينة من جلستها و صاحت بانفعال \_  
مجدرتش اعمل اللي أنتِ عايزاه .مجدرتش بعد ما

جلبي اتخرج على ولادي أخرج جلب شهد على  
ضناها .مش راح اجدر اعمل أكده واصل.  
تبلور الجنون بنظرات مُنى و كلماتها حين هتفت  
بغل \_ بجى اني اخطط و انفذ و ادفع كد اكده  
وواحد غيبة زيك تاجي تبوظلي كل خططي ؟ مش  
كفايه بجالي سنين عايذة اخلوص منك و معرفاش!  
اصطدمت كلمات مُنى المغلولة بعقل زينة  
المذهولة التي قالت \_ بتجولي ايه يا منى  
؟ تخلوصي مني !

منى بغل \_ أيوا اخلوص منك .لتكوني مفكره انك  
كنت بتسجطي اكدا من الباب للطاج !لاه .انا اللي  
كنت بدسلك الحبوب في الوكل عشان العيل يسجط  
على طول، وأني اللي كنت برشي الدكتوراة بتاعت  
الوحدة عشان تجول ان كل حاجة طبيعية، و حاولت  
اجتلك آخر مرة لما سببت عليك الحياي في  
الإسطنبول بس حظك الواعر چه فاروق و لحجك على  
آخر لحظة 1 .

شعرت زينة بتوقف النبض داخل صدرها للحظات  
فهل ما تسمعه حقيقي ؟ هل كان الشيطان يُرافقها

طوال عمرها ولم تلحظ ذلك ؟ أيعقل أن شقيقتها  
هي من تسببت في دمار حياتها و كل أحزانها  
؟ !كانت تذوب أمام عينيها تتوسد صدرها بعد كل  
خسارة تلم بها و تبكي بحرقة شاكية حظها العاثر و  
أمومتها التي لم تسنح لها الحياة بممارستها و تلك  
الشيطانة كانت تهون جراحها و تُخبرها بأن عليها  
الصبر و الاستمرار بالمحاولة والدعاء حتى يأذن الله  
بالإجابة ؟ \_ انتِ يا مُنى تعلمي فيا اكده ؟ انتِ اللي  
حرجتي جلبي على ولادي و كنت اترمي في حضنك  
و ابكي، و كتي تطبطبي علي !انتِ اللي سيبتي عليا  
الحياتي و انتِ عارفه اني برتعب منيهم .طب ليه ؟  
دانا مكنش ليا في الدنيا غيرك بعد ابوي و امي ما  
ماتوا .ليه تعلمي فيا أكده ؟ عملت فيك ايه ؟ دانا  
عمري ما اتأخرت عنك في حاجة واصل.  
لم تتأثر بعبراتها و لا انهيارها ولا كلماتها انما إجابتها  
بحقد \_عشان آخذ حجي و حج أمي منك انتِ  
وأملك اللي چيتوا خطفتوا بوي منينا و جهرتوا امي  
وماتت بحسرتها، و جيتي انتِ و خطفتي مني  
فاروق اللي عمري ما حبيت و لا عيني رأت راجل

غيره .كنت عايزة أخذ حجي و هاخده يا زينة، و  
المرادي هاخده و أنا عيني في عينك عشان أتأكد  
انك موتي و خلصت منك .

2mo ago

2mo ago

أنهت حديثها و أخرجت سكينًا صغيرًا من جيب ثوبها  
و قامت بطعن زينة في صدرها تزامنًا مع اقتحام  
فاروق الغرفة التي كانت مُراقبة بالكاميرات بعد ما  
قصت عليه إلهام ما حدث و ما سمعته ورد فقد أراد  
معرفة ان كانت زينة ستُساعدُ مني في مخططها  
القدر أم لا ؟ و صُعِق حين وجد الأخيرة تُخرج ذلك  
الخنجر ليهدول إلى الغرفة لإنقاذ زينة التي كانت  
تلتقط أنفاسها الأخيرة فافترش الأرض بجوارها  
ليسمعها تقول بصوت مُتقطع \_سا ...سامحني  
يا ...فاروق ....مسمعتش كلامك حبل سابق لما  
جولتلي أنها عفشة ...بس غصب عني ..مكنتش ....  
اعرف ...اني ..حاوية ..الحية ..في .....داري.

تناثرت عبراته على فقيده فقال بلوعة \_ سامحيني  
انت يا زينة .حجك عليا عشان مجدرتش الحجك .  
سامحيني 1 .

زينة بأنفاس مقطوعة \_ مسامحاك ...يا فاروج  
أتهني ...بمرتك ...و حب ...عمرك .....چيب  
عيال... كتيير منيها ...أني ...خابره .....زين .....ان  
...ورد ...هي .....حببتك .....الأولي .....و الأخيرة...  
صدمة قوية نالت منه حين استمع لحديث زينة  
التي في تلك اللحظة خرجت منها شهقة خافته و  
بعدها خرجت روحها إلى بارئها ليصرخ فاروق بقهر \_  
زيننة ..

بعد مرور ستة شهور كان فاروق يقف في تلك  
البقعة النائية بأرضه يشاهد الغروب و هو يتذكر  
كلمات منى هذا اليوم فقد اخذت تصرخ و تصيح  
بملء صوتها \_أني عشجاك يا فاروق .انت حجي  
اني و هي خدتك مني، و كان لازم اجتلهما زي ما  
جتلتني يوم چوازاها منك .خدتك مني و امها خدت  
ابوي من امي 1 .

كانت تلك آخر كلمات سمعها منها قبل أن تأخذها  
الشرطة و هناك أصبحت حالتها غريبة فقاموا  
بعرضها على الأطباء النفسيين ليؤكدوا أنها اصابها  
الجنون الذي كانت تستحقه بعد أن تركت نفسها  
للسيطان ليتآمر على روحها و يُدنسها بقيح  
الكراهية و الغل الذي من شأنه أن يجعل الإنسان  
يتحول الى مسخ مُجرد من كل صفات الإنسانية.  
\_فاروق .

انتبه لذلك الصوت الخافت خلفه ليلتفت ناظرًا الى  
ورد التي كانت تُطالعه على استحياء فقد تم عقد  
قرانهم منذ شهر و لكنه منذ حادثة زينة وهو  
منطوي على حاله صامت ، حزين ، مُتعب.  
\_نعم.

هكذا تحدث فاروق باختصار فأخذتها خطواتها لتقف  
بمحاذاته وهي تقول بخفوت \_قمر بتسأل عنك  
بتقول عمو فاروق مبقاش يحبني و لا يلعب معايا  
زي الاول .حاولت افهمها بس هي طفلة مش قادرة  
تستوعب اللي حصل.



أوماً فاروق برأسه قبل أن يقول بخشونة \_ ادبك  
جولتي طفلة. لا سنّها ولا عجلها هيخلوها تفهم، و  
بعدين هي ملهاش ذنب في حاجة.  
تلكأت الكلمات فوق شفّتيها و زاغت عينيها بينما  
قلبها يتوسل إليها بالتحلي بالجرأة و الوصول معه  
إلى برّا آمن تحمّمت بخفوت قبل أن تقول بتلعثم  
\_ يو.يومها .اقصد .يعني .يوم .اللي .حصل .زينة  
..قالت..

2mo ago

2mo ago

تخلت عنها شجاعته حين رآته يلتف إليها و عينيّه  
تشتبك مع عينيها في حديث طويل قطّعه كلماته  
الجافة حين قال \_كملي حديثك .سكتي ليه ؟  
طالما يتحدّث معها بلهجته الصعيدية فهو لا يزال  
غاضبًا حزينًا لذا احتارت كيف تُصيغ كلماتها دون  
المساس بذلك الجرح الذي لا يزال مُتقد داخل صدره  
؟ ولكنها في نهاية الأمر لجأت إلى الهرب كعادتها معه  
فقالت بجمود \_مفيش كنت عايّزة اقول ان انت

عملت كل حاجة عشان تحميها من شر مُنى وهي  
بنفسها قالتلك كدا، و بعدين كل حاجة في الدنيا دي  
قدر و مكتوب .انت مقصرتش في حمايتها أبدًا، و  
حتى لو كنت بعدت مُنى عنها مكنتش هتقدر تزود  
دقيقة واحدة في عمرها.

تبدلت نظراته إلى أخرى غامضة مما جعلها تُردف  
بلهفة \_ انا بقولك كدا عشان متشيلش نفسك  
ذنّب .زي مانا عملت في نفسي بعد موت زين .  
كنت بلوم على نفسي كتير ليه مسافرتش معاه ؟ أو  
حتى منعته بس بعد ما هديت عرفت اني لو كنت  
عملت دا أو دا مكنتش هزود في عمره ثانية .  
شعرت بموجة قوية من الوخزات الموترة التي  
اجتاحت جسدها حين اقترب منها و عينيه الحادثان  
لا تحيد عن خاصتها بينما هي عاجزة عن التحرك  
ولو خطوة واحدة ليُباغتها حين قال \_ هو دا بس  
اللي فكراه من كلام زينة ؟

استفهامه يُخفي الكثير خلفه فقد كان يتشارك  
معه في أفكارها مما جعل دقائقها تتناحر بداخلها،  
فعينيه تُطالبها الآن بإجابة لا تملك الشجاعة

للإفصاح عنها فعلى تنفسها حتى وصل صدها إلى  
مسامعه ليتقدم منها حتى كان الفاصل بينهم  
خطوتين وهو يقول بنبرة عميقة دائماً ما تُميزه  
وتُضفي على حديثه نوعاً من الجاذبية \_ ساكنة ليه  
يا ورد ؟ دا اللي فكراه من كلام زينة ؟

كانت لحظة خاطفة استجمعت بها شجاعتها الواهية  
وقالت باندفاع \_ لا . في . في . كلام تاني أنا عايزة اعرف  
ايه مدى صدقه؟

لا تعلم لما شعرت بأن ملامحه استكانت ولو قليلاً  
ولكن عينيه لازالت تحاوطها و تأسran عينيها  
بطريقة لم تعهدها من قبل ليُباغتها بكلماته التي  
كانت المفتاح لأبواب ظنت أنها لن تُفتح أبداً \_ كل  
الكلام اللي زينة جالته صح يا ورد .

كان اسمها من بين شفاهه هذه المرة مُميزاً كثيراً  
بطريقة لم تعهدها من قبل ولكن كلماته كانت أشد  
وقعاً عليها فاحتارت بماذا تُجيبه و كيف تطرح ذلك  
الاستفهام الذي ينخر بعقلها أضافة الى أن جنون  
قلبها في تلك اللحظة لم يَكُن يُساعدُها أبداً لتهتف  
اسمه بحيرة يتخللها اللوعة \_ فاروق.

لأول مرة تُناديه بتلك الطريقة التي تنحى أمامها  
ثباته ليقول بصوته الرخيم \_ايوا يا ورد انا عاشقك .  
من لما كنتِ طفلة بصفابير وأنا كنت الاجي جلبي  
ساحبني عالمكان اللي أنتِ فيه .أن غبتي شويه  
عنه زي المچنون يدور عليكِ .يتحمل يشيل الكون  
كله فوق كتافه بس كانت دمعة واحدة منك تهده .  
الكل كان حاسس وعارف الا انا .

ابتسامة هادئة لامست زوايا فمه قبل أن يُتابع بنبرة  
عميقة \_كنت بكذب نفسي واقول عشان اتولدتي  
على يدي، و لما لجيت جلبي بجى يتمرد عليا  
خرسته بـ فرج السن اللي بيني وبينك .جولتله اوعى  
تبجى ظالم معاها .دي لساتها عيلة صغيرة.  
كان يتحدث و عينيها تؤازره بالعبرات الحارقة التي  
أغرقت وجنتيها كما غرق قلبها في بئر الألم من تلك  
الحجج الواهية التي حرمتها لذة عشقه لذا قالت  
بنبرة جريحة \_اتناشر سنة مش فرق كبير .بس  
انت اللي استسهلت تفكر كدا، و روحت اتجوزت  
زينة.

شوهت ملامحه الرجولية الوسيمة ابتسامة ساخرة و

أجابها بنبرة مريدة \_ سهل تجولي أكده بدل

مجردبتيش جهرتي واني مجردش حتى ارفع عيني

فيك بعد ما كانت شوفتك هي اللي بتحليلي حياتي.

شعرت بمدى صدقه و نبرته الجريحة ألمتها لتهتف

بلوعة \_ ياريت لو سألتني . ياريت لو كنت حتى

خيرتني . مكناش ه تتعذب بالشكل دا .

تبدل الأسى و الحزن إلى شيئاً آخر بعد ما بدأ سحب

عينيه بالتلاشي و جاءت نبرته خشنة وهو يقول

بترقب \_ تجصدي اي؟

عابته نظراتها و لهجتها حين قالت \_ مقصدش .

عادي اللي حصل حصل.

أوشكت على الالتفات ف اوقفتها يديه التي أحكمت

الطوق فوق رسغها فكيف بعدما زرعت براعم الأمل

بصدره تُريد أن تُغادره ؟ \_ اوجفي اهنه و فهميني

تجصدي ايه؟

نثر الخجل وروده فوق وجنتيها و صبغ لهجتها حين

قالت \_ يمكن لو كنت صارحتني بمشاعرك وقتها

كنت هترتاح.

فاروق بلهفة \_خوفت انجرح و الوردة يبجالها شوك  
ينغرز في جلبي .

رفعت رأسها تُطالعه بعتب و دلال \_اللي بيحب  
الورد يتحمل شوكة.

فاروق بنبرة محرورة \_والله انا عاشج للورد و شوكة  
بس هو يجول موافج.

لونت ثغرها ابتسامة رائعة قبل أن تقول بخفوت  
\_موافقة.

بعد مرور سنه انطلقت صرخة ألم عظيمة تبعها  
بُكاء صغير أبصر النور لتوه لتمر عدة الدقائق حتى  
يصل إلى مسامعهم صوت بكاء آخر ثم خرج الطبيب  
ليُخبرهم بأن ورد وضعت تؤم صبي و فتاة فتعالت  
صيحات الحمد من فم الجميع و مر بعض الوقت  
حتى استطاع فاروق التوجه إلى غرفة ورد التي كانت  
نائمة على ظهرها و ما أن رآته حتى تهللت أساريرها  
ليقترب منها نائراً عشقه فوق جبهتها و خديها وهو  
يقول بنبرة عاشقة . حمد لله على سلامتك يا أم  
الزين و الزينة.

ابتهجت من كلماته وقالت بحبور \_ولد و بنت ؟

فاروق بحنو \_ ولد و بنت زي الجمر يشبهوا وردتي  
الحلوة.

ورد بنبرة عاشقة \_ وردتك بتحبك اوي يا فاروق .  
استنشق رائحتها التي كان الفؤاد ينتشي بأريجها  
قبل أن يقول بنبرة عاشقة \_ فاروق عاشقك يا وردة  
الجلب و مهجة الروح .

تمت □♥

2mo ago

2mo ago

2mo ago

2mo ago

فرولاتي و حلوياتي و حبايب قلبي □♥□ جايه و  
جيبالكوا شوية حلويات انما ايه □ ركزوا بقى في  
اللي هقوله كويس عاملين مسابقات طرل شهر  
رمضان على هدايا قمر بس المرة دي هديتنا دلالة  
ذهب و نسخة من روايه ميثاق الحب و الياقوت

اللي حابب يشترك ينضم لجروبي ألف حكاية و  
حكاية و دي صورته

1

و دي صورة الدلاية القمر

و دي صورة ميثاق الحب و الياقوت

تفاصيل المسابقة ان شاءالله بكرة هنزل سؤال  
لمدة ٢٤ ساعة و هيكون يخص رواياتي و و هقفله  
بعد بكرة و هطلع بعدها لايف اختار ٢ فايزين اول  
واحد و اللي هيكون من نصيبه الدلاية الذهب القمر  
دي ثاني واحد هيفوز بنسخة مجانيه من رواية  
ميثاق الحب و الياقوت توصله لحد البيت بإذن الله  
شرط ميكونش اشتراها ♡❑ تالت حاجة بإذن الله  
بعد العيد الجوايز مكمله معانا و هنفوز كل شهر ٢  
من فانزي الجميل و بإذن الله هنزلكوا بوست  
مُفصل بتطبيق المسابقة و الجوايز ♡❑ الحاجة  
الأخيرة بقى اول يوم العيد هيكون في حلقة خاصة  
لولاد الوزاان مقدرش تطلبوها مني و  
ازعلكوا ♡❑ ♡❑ و بإذن الله هنستأنف روايتنا  
ذنوب على طاولة الغفران يوم الخميس الموافق ٥



٤/ صحصحوا معايا بقى اظن مفيش دلح بعد  
كدا بحبكوا اوي بجد و اتمنى اني اكون انا و سونا  
قدرنا نفرحكوا و ان شاءالله اللي لسه مفازش يفوز  
و يارب تكون أيام جميلة علينا كلنا متنسونيش من

دعواتكوا بحبكوا اوي ♥□♥□♥□

2w ago

1mo ago

2w ago

1mo ago